



白雪樓詩

元

目錄

卷之一

樂府

卷之二

樂府

擬古樂府序

序曰胡寬營新豐士女老幼相攜路首各知其室放犬羊鷄鶩於通塗亦競識其家此善用其擬者也至伯樂論天下之馬則若滅若沒若亡若失觀天機也得其精而忘其麤在其內而忘其外色物牝牡一弗敢知斯又當其無有擬之用矣古之為樂府者無慮數百家各與之爭片語之間使雖復起各厭其意是故必有以當其無有擬之用有以當其無有擬之用則雖奇而

有所不用也易曰擬議以成其變化日新之謂
盛德不可與言詩乎哉李于鱗序

李于鱗擬古樂府序

李于鱗氏擬古樂府辭殆二十年所計得凡若干篇未嘗以眎人也間眎於一二同志亦先後錯出無覩其全者注辛酉歲余始請而歷讀之則集端寔自為序其末簡引易辭云擬議以成其變化日新之謂盛德意嘻此二言者其于鱗之善乎為擬者哉蓋擬尚肖侶弗侶無貴于擬侶寓神情非神則徒摹襲彷彿如勦攘然徒貽譏笑耳故刻楮葉雖工然比之造化祇見其勞

而無益學孫叔敖而無抵掌笑談之妙必無復
生之感動斯曰擬曰新之辯也古詩賦文辭類
多有擬而莫難於樂府無論近日庾此二者即
古之名家如梁簡文晉宋玄融承天正則金珠
輩雖新之時有矣然考諸其辭不詭於古者幾
何也哉于鱗所為諸什雖一字莫非古已見者
至其杼鎔甄澣神色頽秀如群葩春榮曜靈晨
升不可謂非宿植而昨逝也但時出而更明之
人自神暢而覩快焉向必改易柯條愆伏容光
人其謂之何然則擬古而易淪其辭其謂之何
耶是故欲步楚騷則不可易謇些諸文欲倚吳
歛則不可遺儂歡諸字人皆知之何樂府獨不
然乎惟其競新而略侶是以名擬古而實不可
若也有由然哉噫嘻必明融述作而上下古今
者則可以論于鱗所為樂府也已歷城許邦才
殿卿書

白雪樓詩序

余為郎時與歷下李于鱗同舍于鱗雅好為詩
詩不為近代語古所稱作者非耶于鱗詩雖多
重示人懷瑾握瑜光不可秘即其意不欲傳於
時海內兄弟同聲相應蓋洋洋盈耳矣諸曹郎
欲得其詩多不獲余與二三兄弟得其一二和
而歌之相樂也于鱗厭承明早余與相失者十
年餘不謂今日懽復得為疇昔舍中語也于鱗
歸自關中結樓鮑山鮑山故管鮑論交地于鱗

樓居俯海岱之勝美人四方側身遙望為白雪
之歌念二三兄弟何嘗一日置哉余以尊酒過
從和歌樓上相得懽甚亡厭乃名樓白雪并索
其全詩刻之題曰白雪樓詩集詩凡若干首分
體為卷其所以傳則自有知音者在
嘉靖癸亥冬十月朔日楚人魏裳順甫氏書

白雪樓詩集目錄

卷之一

樂府

黃澤辭

白雲謠

瑤池謠

南山歌

越人歌

采葛婦歌

易水歌

垓下歌

大風歌

秋風辭

天馬歌

李夫人歌

隴上歌

蹕林歌

饒歌

朱鷺

思悲翁

艾如張

上之回

翁離

戰城南

巫山高

上陵

將進酒

君馬黃

芳樹

有所思

雉子班

聖人出

上邪

臨高臺

遠如期

石流

企喻歌四首

瑯琊王歌八首

鉅鹿公主歌

紫騮馬歌四首

黃淡思歌二首

地驅樂歌

雀勞利歌

捉搦歌四首

折楊柳歌五首

幽州馬客吟歌五

首

慕容家自魯企由谷歌

高陽樂人歌二首
五鳳曲

精列
東光

對酒
烏生

平陵東二首
陌上桑

王明君吟
安期生

長歌行三首
短歌行

當鰕鮒行
董逃行

塘上行
秋胡行四首

相逢行
燕歌行二首

善哉行二首
西門行

東門行二首
飲馬長城窟行

上留田行
孤兒行

艷歌何嘗行
艷歌行三首

怨詩行
白頭吟

滿歌行
子夜歌十首

四時子夜歌八首
前溪歌七首

團扇郎
懊儂歌四首

卷之二

樂府

神絃歌

宿阿曲

道君曲

聖郎曲

嬌女詩二首

白石郎曲二首

青溪小姑曲

湖就姑曲

姑恩曲二首

采蓮童曲二首

明下童曲二首

同生曲二首

石城曲四首

烏夜啼四首

烏棲曲四首

估客樂二首

莫愁樂四首

襄陽樂六首

三洲歌三首

襄陽蹋銅蹄四首

青驄白馬

夜度娘

長松標

雙行纏

黃督

作蠶絲二首

碣石篇四首

白紵舞歌四首

霹靂引

天馬引

蜨蝶行

悲歌

猛虎行

三
望樓詩集目錄
八
枯魚過河泣

遠游篇

廣齊謳行

前緩聲行

結客少年場

東飛伯勞歌

樂府

河中之水歌

卷之三

五言古詩

錄別十二首

又十一首

古意七首

詠古十六首

雜興十首

君子行

古詩後十九首

并引

卷之四

五言古詩

酬皇甫虞部

寄許殿卿

賦得何仲默

五子詩五首

王元美

吳明卿

宗子相

徐子與

梁公實

二子詩二首

盧次榘 謝茂秦

酬元美二首 再答元美二首

郡齋同元美賦 送元美二首

答寄俞仲蔚二首 送李明府入奏

許殿卿郭子坤見在林園二首

杪秋同右史南山眺望

九日集殿卿池亭分賦二首

集張使君別業 送許史

秋夜白雪樓同許右史襲茂才分韻二

首 集開元寺

卷之五

七言古詩

送靳潁州子魯 送新喻李明府伯

承 贈張子含茂才

刀斗篇 送張子參募兵真

定諸郡 齊俠行

賦得金谷園障子 送申職方謫萊州

推官

送趙員外行邊

賦得狼居胥山送李侍御

送徐汝思郎中入蜀

葉舍人

送謝茂秦

南溪老樹行

送周一之從大將

軍出塞

送公實還南海

擊鹿行 并引

送元美

楊山人四首

送子相

俠客行爲子與贈吳生

留別子與

題申職方五嶽圖

送永寧許使君二首

送王給事使潞

郡齋同元美賦

跳梁行寄慰明卿

此兒行重寄明卿

拂衣行答元美

答許右史二首

送萊蕪蕭簿

歲杪放歌

贈殿卿

金吾行贈戴將軍

逼除過右史水村

賦得鴈池送許右

史游梁

卷之六

五言律詩

酬皇甫虞部寒夜書懷見寄

圓硯效徐庾體 秋扇

同皇甫繕部寒夜城南咏月

元夜 登省中樓望西山晴

雪 憶弟

初夏趙氏園亭 送孟得之

登省中樓 酬徐員外舟中新

詠見示 送諸光祿還於越

長陵 朝陵夜作

白雲樓 送楊子正還濟南

重送楊生 殿卿至

送殿卿 章行人使潞藩

十六夜集劉子成宅 聞砧

送張比部募兵秦晉諸郡

送沈郎中守順慶

春日韋氏園亭同元美賦

夏日同元美徐子旋賈守準劉子成集

張氏園亭

初夏同元美汪伯陽皇甫子泉集姚明

府園亭

送蔡少府之陽武 為殿卿悼亡

答殿卿

送獲嘉郭明府

雪溪徐山人二首

毛刺史姑蔑高齋

出郭

張氏園亭

碧雲寺禪房

早春元美公實訪茂秦華嚴精舍同賦

十四夜同王徐宗梁四君子集靈濟宮

二首

張山人

春日

東公實

同元美與諸比部城南放舟六首

寄茂秦

郊行二首

再遊南溪同應駕部徐比部賦四首

東元美二首

夜過元美二首

夏日同元美子與子相天寧寺送別公
實二首

同元美子與集子相宅

東子相二首
卽事四首

賦得屏風
寄元美

贈子與
汪員外移水部

渡澤沱
廣陽山道中

趙州道中
吳舍人喪內二首

別汪正叔員外
懷魏順甫

登黃榆馬陵諸山四首

答明卿病後見寄二首

寄元美二首
卽事四首

寄宗考功二首
寄殿卿二首

春興二首
重送許求寧二首

郡齋送張肖甫二首

閣夜示茂秦四首
寄元美四首

夏日行部遇明卿子與

郡齋與元美賦
送元美二首

白雲樓詩集目錄
卷八
十一
四

黃河

關門雪望

發長安

涇州

秋日四首

五日和許傳湖亭讌集二首

和殿卿白雲亭醉歌

唁元美以家難羈京

春日閑居十首

夏日東村卧病十

二首

秋日村居八首

冬日村居四首

寄華從龍

月

和殿卿神通寺見貽

同許右史遊南山

龍集寺

九塔寺觀許右史碑

元日

立春日對雪憶元美

立春前夜齋居殿卿携具見枉

龔生初度與郭子坤集開元寺餞許右

史

逃暑

暴雨

卷之七上

七言律詩

送趙戶部出守淮陽

崔駙馬山池燕集

送陳使君迎侍浙中

送郭子坤下第還濟南

送王郎中安慶

送杜少府謫滇南

酬谷明府見寄

秋前一日同元美茂秦吳峻伯徐汝思

集城南樓

送孫郎中守承天

劉員外家宸翰樓

送劉員外使黔中

送大司寇顧公之金陵

送皇甫別駕往開州

送瑞安劉明府

送許元復還姑蘇

署中有憶江南梅花者因以為賦

與茂秦金山寺亭上望西湖

送汪伯陽出守慶陽

送黃侍御按滇中

送包大中長蘆知事

除夕

元日早朝

早春得汝思蜀中書

送暉員外按察郢中

初春元美席上贈茂秦

送大中丞王丈赴山東

答宗考功齋居見贈

呈大司寇何公

再呈何公

春夜同元美子與子相過公實

送萬言卿明府之長興

送范敬甫之閩中

五日同子與子相過公實

韋氏池亭同元美子與子相賦四首

送張虞部謫常州別駕

送吳人陸之箕
送李司封謫廣陵

送王侍御

同元美子與子相公實分賦懷太山東

同順甫

同子與登湖上臺

十五夜子與明卿見過

同徐吳二子弘法寺臺眺望

送大司寇應公歸台州

送殷正甫

并引

徐子與席懷梁公實

懷子相

朝退同子與望西山霽雪懷梁公實宗

子相

歲晚贈子與

人日與伯承集子與宅

張駕部宅梅花

宣武門眺望

送范大澈

葛丈山房

寄子與

寄吳舍人兼呈徐子與

寄正叔

趙州贈許使君

送譙比部還順慶

送申職方還魏縣

同張滑縣登清風樓

郡閣懷王徐二比部

郡齋與吳舍人賦

送顧天臣還姑蘇

郡城樓送明卿二首

於郡樓送茂秦之京

登黃榆馬陵諸山四首

答元美病中見寄 早春寄元美

登邢臺

趙州道中憶殿卿

真定邸中重憶殿卿

郡城西樓

郡齋

春興

寄劉子成

懷元美

懷明卿

懷子相

懷子與

懷順甫

懷公實

送張肖甫出計閩廣

真定道中遇伯承戶曹

真定大悲閣

除夕元美宅

初至京與元美明卿子與分韻二首

送陳比部使閩中

留別元美輩四子

送明卿謫江西

別元美出使畿內

郡齋同元美賦

與元美登郡樓二首

與盧次楸登大伾山

懷慶道中雪

於黎陽送次榭之金陵謁故陸令

空同二首

平涼

寄元美四首

上郡二首

元美望海見寄

酬順甫見寄

登太華山絕頂四首

卷之七下

七言律詩

人日荅汝思

再寄元美二首

寄汝思

送歷城李明府入計

題徐公明月軒三首

送俞按察之湖廣二首

送張直卿再遷三楚叅政

謝美元吳紗見惠 除夕

荅寄華從龍戶曹 神通寺

贈符臺卿李伯承出使東藩二首

寄贈漢陽楊明府 贈李明府詣廣川

送

景王

和李明府春日馳戀庭闈之作

贈殷正甫至自泰山

問正甫

送吳峻伯之楚

送朱大中丞拜少司空

送崔中甫入對

送劉侍御歸臺四首

酬張明府和御史中丞蘇大秋興見寄

送謝中丞還蜀二首

送馮汝言學憲之浙江二首

贈羅山甫見困鹽官携家南還

重送山甫

送何戶曹之金陵

春夜許使君集送江生過謁李伯華太常

送方山人

送許右史之京二首

夏日襲生過鮑山樓

過吳子玉函山草堂

酬張轉運龍洞山之作

與轉運登華不注絕頂

魏使君過宿鮑山樓

使君重過山樓分賦

和魏使君扶持游太山

李伯承謫亳州

得元美兄弟書

答元美

答王敬美進士

謝魏使君題白雪樓

寄右史

寄汝南徐使君

吳使君自建寧移邵武

南樓

白雪樓

杪秋同右史南山眺望

卷之八

五言排律

送固始申明府還縣

送李太守之東昌

送宋宇少府之蒲城

答謝生盤山詩

送楊給事河南召募

送林郎中讞獄南海

送莫祠部貴州提學

題歐職方鵝山泉高齋

集元美宅送汝思吳峻伯袁履善三比部

賦得邊馬有歸心

得殿卿書兼寄張簡秀才

七夕集元美宅送茂秦

白雲樓詩集目錄
卷之九
碧雲寺

香山寺

經華嚴廢寺

人日同元美子與公實集子相宅

初春四首

五日同子相遊天寧寺

立春日示子與

燕京篇

哭陶侍御

哭公實六首

邵齋同元美賦

宿華頂玉井樓二首

冬日王給事出示許中丞苦執詩卷

和殿卿咏梅篇

七言排律

郡齋同元美賦

送歷城李明府入計

卷之九

五言絕句

寄殿卿

別意

山中

贈元美

寄題宗秀才茂登池亭

度易水贈伯承

郡齋同元美賦

酬郭子坤感懷四首

戲呈子坤三首

病中贈殿卿二首

冬日四首

立春二首

漫成二首

桃花嶺

丁香灣

春日自戲

謝殿卿示樂府序

卷之十

七言絕句

遊仙曲

寄龔勗

惆悵詞

送殿卿

送劉戶部督餉湖廣五首

與元美集李郎中賦示謝生

送吳郎中讞獄江西三首

席上鼓飲歌五首送元美

雪後憶元美

送子相歸廣陵七首

再別子與四首

留別吳舍人三首

塞上曲四首送元美

留別四子四首

送明卿之江西四首

郡齋同元美賦

懷元美

懷明卿

懷子相

懷子與

寄伯承

寄茂秦

寄順甫

寄余德甫

答殿卿

答元美

汝思見過林亭二首

五日與殿卿遊北渚二首

酬殿卿夏日過飲四首

九日同殿卿登南山四首

秋日東村偶題二首

九月八日東村送元美

和答殿卿冬日招飲田間二首

寄慰元美二首

王中丞破胡凱歌四章

春日聞明卿之京為寄

寄懷元美

仲鳴蒲菊

寄元美七首

重寄元美三首

哭子相四首

答潘潤夫病中見贈二首

張明府見惠榴柿二首

湧泉庵

輓王中丞八首

別元美二首

戲贈張茂才二首

送徐汝思四首

和許右史王函觀觀伎

許郭殷見枉鮑山山莊

與三君登樓

和許右史初度村興之作

九日示殿卿

山中簡許郭二首

送子與五首

殿卿別業二首

觀獵二首

酬許右史九日小山見贈四首

過劉簿山齋

宿林泉觀

寄謝茂秦

寄元美四首

東村同殿卿送子坤赴選三首

得徐使君所貽王敬美見贈答寄四首

汝寧徐使君十首 寄吳明卿十首

送殷正甫之京十首

促殿卿之官四首

酬許使君讀鄙詩見贈二首

少年行二首 山早夏示殿卿二首

許使君見過林亭二首

謝中丞見過兼惠營草堂貲四首

送潘令之邯鄲四首

山齋牡丹三首

過殿卿山房詠牡丹二首

訪劉山人不值二首

贈鄭將軍之銅江四首

答殿卿問疾 戲問殿卿止酒狀

樓上

聞鴈得元美兄弟書却寄

止酒

答張簡秀才病中見寄二首

送金台鄭叅戎二首

答殿卿過飲南樓見贈二首

和許長史至函宮携妓二首

送右史之京十二首

宿開元寺示諸子

重寄伯承

答殿卿潞河見憶之作

錦陽川途中醉歸答劉山人

答右史於都城見賣牡丹者憶故園之

作二首

六言律

郡齋同元美賦

六言絕句

同元美賦

醉示元美

三言

郡齋同元美賦

白雪樓詩集目錄畢

白雪樓詩集卷之一

樂府

黃澤辭

皇之麋其馬八驪皇人委蛇

皇之水其馬駮耳皇人受祉

皇之曲洛其馬沃若皇人薄薄

皇人孳孳其馬歎雪我心如結

白雲謠

白雲在天山陵逶迤率彼東土諸夏間之將子

能來

瑶池謠

白雲在山亦洽而野予歸三年將顧見女

南山歌

南山白石白離離爾牛之角何其悲車下短衣
歌者誰國有叔牙當見知佐命伯王獨後來

越人歌

山有隈兮江有汜歌擁棹兮見王子掄修袂兮
披長雲舉綉被兮風紛紛蒙詬耻兮心靡忘君
不知兮可柰何

采葛婦歌

卧下之薪何綢繆欲寐不寐思寇讎我今采葛
以遨遊

易水歌

繚天兮白虹蕭蕭兮北風壯士怒兮易水飛羽
聲激兮雲不歸

垓下歌

從美人兮擁駿馬涕從橫兮垓之下

大風歌

大風沸兮雲薄天驅萬乘兮紛來旋紛來旋兮
沛之宮士栢栢兮福攸同

秋風辭

秋風蕭蕭兮白雲晶晶草木黃落兮鴻鴈于征
蘭可佩兮菊可餐遺佳人兮汾之干挾飛龍兮
下中流橫大波兮放遠遊靈偃蹇兮翳日來愴
容與兮紛裴徊顧帝京兮何壯哉

天馬歌

天馬下閭闔開汗以血駢離哉河之精龍之子
視浮雲無萬里絕流景躡遺風今安駕幸回中
天馬徠從西極經千里歸有德天馬徠竦予身
挾飛電化若神天馬徠循東道承靈威服帝阜
天馬徠歲執徐陞四海將安如天馬徠出嶠山
逝崑崙開玉關天馬徠龍爲友北擊胡驅群醜

李夫人歌

去邪來邪就而視之紛何被被其裴徊
寤邪夢邪就而視之包紅顏其弗明

步儼儼者誰邪就而視之風何蕭蕭其蔽帷

隴上歌

隴上壯士乘驥驄帶雙鞬服挾秦弓七尺大刀
搏白虹丈八蛇矛盤怒風戰始三交失大刀且
盪且走亡其曹棄我驥驄巖中逃爲我謂烏爲
客豪隴上之水流潺潺壯士一去不復還

蹠林歌

單于庭陰山下漢家和親刑白馬刑白馬祭龍
城今年蹠林大會兵

饒歌

朱鷺

朱鷺獵其纓茄下行魚在梁縱復橫鶉何飛濡
其羽上書諫明主

思悲翁

思悲翁鳳凰安宿阿閣中奪我美人思悲翁鳳
凰飛上天梟子拉沓隨轉蓬狗逐狡兔走取爾
梟子食梟母

艾如張

艾而張羅羅若雲中有黃雀呼其群毛羽摧頽
離哉紛山出黃雀山嵯峨鴻鵠絕四海君亦難
爲羅我欲從之讒言多鴻鵠徘徊柰雀何

上之回

上之回蕭關開以待邊單于臺勒兵十八萬羽
林材振大旅鬚長馳龍句奴臣月支朝諸侯王
甘泉宮郡國受計福來同

翁離

擁離趾中可築宮蘭用葺之艾爾蓬擁離趾中

戰城南

戰城南走城北轉鬪不利號路側謂我臬騎且
行出攻寧爲野鳥食不逐駑馬徘徊蒲葦中水
深黝黝蒲葦驚驚鳥亦自不去客亦自不豪梁
以集鳥子五鳥母六禾黍不食攬腐肉願爲忠
臣何可覆傷子良臣良臣誠可傷遠道之人枯
骨何葬

巫山高

巫山高自言高江水深自言深勿復相思君有

他心山以蔚蔚水以湯湯何用度之石用梁徘徊遠望泣下霑裳願託黃鵠東歸故鄉

上陵

上陵亦誠美下津以尚羊問客從何來自言水中央芟荷爲君衣芙蓉爲君裳木蘭爲君佩江離間杜蘅銅池之芝以九莖光華燭夜披金英鳳凰之集乍開乍合蜚覽上林曾不知日月明赤翅之鴻翁雜相隨白鴈何蔚蔚雲爲車風爲馬游閭闔守謁者五色露何泥泥乃在仙人金

掌中凝如膏美如飴願奉我主飲延年萬歲期

將進酒

將進酒稱我觴紛佳哉以浩倡心所作未嘗聞徘徊三嘆一爲君君之臣明四時和國有良工悉索歌觀者不苦柰子何

君馬黃

君馬黃臣馬驪二馬異體同權奇徘徊四海美人子二馬相得以千里故東非我東西非我西南非我南北非我北駕如六飛龍之翼路訾邪

謂何覽遨遊安終極二馬視駑馬局促食轅下
將以問馭者

芳樹

芳樹如此之蔚蔚上有黃鵠以翱翔下飲蘭池
鳴鏘鏘二而爲侶三而爲行芳樹拉雜黃鵠傷
秋風蕭蕭思其鄉姪人之子姪殺我君有它心
無不可黃鵠高蜚亦有羅目欲顧之柰樂何

有所思

有所思乃在燕山隅何用問遺君大秦明月珠
結以連理帶薦以合歡襦又何問遺君青絲係
玉環可直千萬餘翠羽紹繚之黃金錯其間聞
君有他心拉雜其珠摧其環摧其環臨高臺反
袂以障之當風揚其灰從今以往勿復相思若
復相思有如此珠有如此環非我可爲鷄鳴狗
吠我視兄嫂不言謂何東方須臾高柰何

雉子班

雉子班如此之趨蹌蹌雄來蜚從雌拉沓曳水
集于梁日以顧之蔚蔚冥冥艾而張羅雉子知

得柰我何王孫有羅以雉子黃鵠之羅當千里
駕以南駕以北朝行出遨遊暮從美人食

聖人出

聖人出應燁怒赫炎精文教洽武功成寒暑德
河海清駕六龍何駢離聖人哉聖人御天以調
之日月星辰和四時郡國吏功上所治君之臣
明遠如期

上邪

上邪我欲與君同心樂以不可禁相思紹繚讒
言罔極大駕六龍處天側日月出入滄海中妬
人之子難爲工

臨高臺

臨高臺望江水江水之流以千里黃鵠知得高
蜚止願遺香草美人子關弓問鵠從何來我主
萬年亦誠哉禾黍不獲鵠何食遨遊四海安終
極

遠如期

遠如期宜四海皇帝日月所置有甘露三載單

于自歸大佳以萬人稽首陛下北藩臣左右賢
王奉國珍謁者令引之鄉殿陳橐佗拉背就羽
蒙戎酪酒乃是闕氏之所飲馱馱生自余吾中
將進酒顧其豪撓以留犁徑路刀何用賜之黃
金犀毗赤綈錦袍扶伏沮澤曾不知天子神靈
從今以往但居光祿塞下不願歸庭

石流

石流津以梁無敢曳水君安所薄秋風湯湯東
飛者鵠北逝者河中有冥冥之白沙遠道之人
謂之何蘭以有香君不知願言懷之遺所思

企喻歌四首

男兒自言疆出門思故鄉隴水流離下淚落鐵
裊襠

放馬大澤中馬飽勿復驅寧斷壯士肉不斷駿
馬芻

鷓子下狡兔不顧黃雀群男兒飽百戰少年笑
殺人

男兒重意氣結伴不須錢誰能無兄弟千里不

相憐

瑯琊王歌八首

陽春二三月單衫繡襖繫馬臨大道值女行
采桑

炎天五六月挈枕逐陰涼絺服不掩體喚女汲
寒漿

初寒八九月銀燭照高堂端然坐不睡看女織
流黃

盛冬十一月調笑酒壚傍玉壺出織手索女弄

絲黃

主人但置酒烹肥擊其鮮男兒好還鄉不願持
一錢

孤兒當門泣門外霜皓皓今年許裁襦兄但視
其嫂

駿馬似人長金鞭五尺強往來渭橋上瑯琊大
道王

新買五尺刀摩挲不離手但坐看此物軍中誰
更有

鉅鹿公主歌

邯鄲女兒年十五能彈琵琶唱樂府
頭上明珠間翠羽客與酒錢笑不數
可憐誤嫁陽翟賈遂使黃金暗如土

紫騮馬歌四首

出入渭城中少年獨妍雅不知是阿誰但識紫騮馬

紫馬從西來道逢一驪駒兩人下馬揖便入酒家胡

問客復何爲昨日發東平袖中出短書心知自劉生

對客讀短書慷慨不能止拔劍出門去報讎燕市裏

黃淡思歌二首

腸作轆轤轉淚作素縷垂獨坐不能言傍知思憶誰

胡馬代州出還騎出代州黃金裝馬勒青絲絡馬頭

白雲樓詩卷之二十八
十一
地驅樂歌

蕭蕭條條風雨漂搖餓殺鷓鴣撐殺鴟鴞
倦鳥不飛非無羽翼貧女不嫁非無顏色
枕郎右臂郎側向左看郎顏色似不在我
宛轉郎懷坐郎左膝郎有它人不自今日

雀勞利歌

稂莠驕驕雀勞利前有鷓鴣子後老鴟
與郎十期九不果郎有他人休誤我

捉搦歌四首

仕宦還須論知己結交還須論君子男兒失意
誨人指老女不嫁難爲理

東家女兒大狡獪屋裏燒香出墻外供養世尊
作佛會願得百媚無菑害

邯鄲城南夜逆旅樓頭十五誰家女可憐白馬
空僵佇不見其人但聞語

駿馬憑陵粟在口男兒精神錢在手何不結伴
日沽酒出臂蒼鷹使黃狗

折楊柳歌五首

白雲樓詩卷之一
上馬折楊柳楊柳鬱歲徒馬上吹長笛愁殺虜家兒

不惜折楊柳孟津楊柳西本是虜家女嫁作漢兒妻

放馬孟津岸飲馬孟津河雖是虜家兒愛聽漢兒歌

莫折楊柳枝娑娑動郎意自有珊瑚鞭出入擐郎臂

上馬出門去馬鞭持與郎郎度孟津水何時還故鄉

幽州馬客吟歌五首

客從幽州來百萬爲擣菹錢自它人有意氣良所無

今日但一擲何言無所持庭前兩走馬千里任君騎

自憐十指銀玉壺不離手女兒行無賴故勸郎君酒

南山固言高上有北流泉女兒固言好須得郎

自憐

郎齎千金裝結客行三秦那能論家計少年喜
作人

慕容家自魯企由谷歌

烏中有鷓子人中有慕容慕容家此谷少年多
相從

高陽樂人歌二首

欲知馬上兒但復看兒馬結束殊輕薄不在漢
兒下

郎來但坐飲百壺分白當見郎行仁義無錢何
所妨

五鳳曲

梧桐生高岡鳳凰鳴中央三百六十鳥翁雜朝
四方其東鳴青鷓其西鳴鷓鷃鷓鷃鳴其陰鷓
雀鳴其陽

精列

欲何爲雖有一介志慷慨非其時慷慨非其時
言從吾所好混迹於鴟夷入宮無美女名士常

見持名士常見持卞和乃衛足白璧以終疑白
璧以終疑還君十五城抱之寧自奇抱之寧自
奇周孔聖殂落世人莫我知雖有一介志慷慨
非其時

東光

胡兒平倭奴何不平倭奴利水戰海塹船爲城
諸軍毅騎士馳射難縱橫

對酒

對酒歌陽春含意未能申請客聽其真男兒居
世無依因誠獨難自絕於要津視扶風稱三輔
吏共理之臣奉職亦何狀盤桓磬折關石和鈞
爲績書以報諸天官自公卿大夫士咸領其人
以君子經綸是時賤玉而貴珉獨蹶迫濩落非
其倫素無跣跣之才四載不遷敢辭於積薪此
道當何以具陳彷徨所欲歸潔其身

烏生

黃口四五雀羅坐秦氏桂樹間啄啄樹上蠹母
子相哺自言安惜我三河不知爲誰家有輕薄

少年臂坐一鷓子鷓子小小如人拳出入雀東
西一縱卽中兩黃口毛羽摧頽魂魄飛上蒼浪
天鷓子下來還少年阿母生黃口時乃在高堂
樽櫨間喈我人民安知雀乳處窈窕紫深宮中
安從通白兔乃在平原大澤中羅者尚復得脯
腊之喈我猛虎斑斑南山間射工尚復得枕藉
之明珠乃在合浦深淵中後宮尚得剖以綴其
襦喈我民生各有壽命何須尚復計會賢愚

平陵東二首

太山陽璆琳瑯有美一人坐明堂坐明堂以王
者德大從群臣朝萬國朝萬國如會同顧見白
雲生封中生封中禪梁父今上皇帝聖神主

其二

陰山傍馬牛羊不知何人城朔方城朔方絕大
荒虜兩闕氏一賢王一賢王戰失利拔胡將軍
顧驃騎顧驃騎曰歸止單于敢望漢天子

陌上桑

日出東南隅照我西北樓樓上有好女自名秦

羅敷羅敷貴家子足不踰門樞性頗喜蠶作采

桑南陌頭上枝結籠係下枝挂籠鈎墮髻何繚

繞顏色以敷愉紉綺爲下裙紫綺爲上襦行者

見羅敷下擔故綢繆少年見羅敷袒裼出臂鞢

樵者忘其薪芻者忘其芻來歸但怨怒且復坐

斯須解一使君自南來駐我五馬車遣吏前致問

爲是誰家妹羅敷小家女秦氏有高樓西隣焦

仲卿蘭芝對道隅羅敷年幾何十五爲人婦嫁

復一年餘力桑以作苦孰與使君俱使君復爲

誰蠶桑所自娛小吏無所畏使君一何迂羅敷

他人婦使君他人夫解二東方千餘騎夫婿居上

頭左右三河長負弩爲先驅何用識夫婿飛蓋

隨高車象牙爲車軫桂樹爲輪輿白馬爲上襄

兩驂皆驪駒青絲爲馬鞞黃金爲轡頭腰中千

金劍自名爲鹿盧起家府小吏拜爲朝大夫稍

遷郡太守出入專城居月朔朝京師觀者盈路

隅爲人旣白哲鬢髮有髭鬚四十尚不足三十

頗有餘座中數千人皆言夫婿殊

王明君吟

我本良家子承恩入漢宮光彩射綺羅語笑生
春風君王希召幸在遠誰爲通漢宮三十六處
處種梧桐美女八千名各各分當能黃金買顏
色丹青多益工寧知佳麗人不出所圖中黃金
猶糞土丹青復何功顏色非可恃粉黛故難同
因念長門賦夙昔亦相蒙君王寵自誤賤妾以
和戎豈惜賤妾去但惜長門空涕泣顧長門從
此逐秋蓬

安期生

安期生參駕白鹿雲中行參駕白鹿雲中行下
遊來安期生白鹿皎皎金爲羈玉爲纓顧見蓬
萊三山十二城安期生自署其名過謁四海五
嶽後從麒麟赤鳳迎禹湯文武不足令令我今
上應太平擁護左右賢公卿稽首聖人大道成
仙女羅坐吹笛笙天神八面侍衛明流烏銜符
翔殿廷悲吟我主享萬年皇帝求一得命延

長歌行三首

嗟我谷中蘭猗猗復英英秋氣日夜至鷓鴣乃
先鳴百草不重芳霜露浩縱橫栖栖就一役慷
慨非其情少壯復何爲老大無成名

其二

仙人攬紫芝燁燁如芙蓉兩耳委其肩短髮以
蒙茸侍從幾玉女導我入雲中奉我一丸藥期
我於空同服之生羽翼倬約變形容顧見雲中
鹿蜿蜿成白龍

其三

纍纍城上星河漢流清耿耿不能寐寤言起
彷徨彷徨立中庭遼遼夜未央白露塗我衣北
風吹我裳還坐顧四壁蘭燈一何明緘書寄遠
道涕泣下縱橫倦鳥無故林遊子無故鄉驅車
出門去徒似相扶將

短歌行

四馬可縻去日難追清酒載觴短歌苦悲遨當
以遊何能坐愁全身遺名唯有莊周鳳凰于飛
覽彼九圍但爲君故駕言旋歸杜門似鄙離俗

似驕彷徨所欲此一何勞斑斑猛虎其尾可履
鬱鬱壯心猝不可抵傾側勢利還自相戕覆車
不戒躊躇鴈行秋風駘駘轉蓬如輪漂揚四野
莫知所臻鳥不厭高魚不厭深爾其肆志載浮
載沈

當鰕鮒行

日月揚光華雲漢垂文章五嶽高摩天江海百
谷王周孔聖有作大雅豈淪亡曲士徒嗷嗷此
道非所詳嗟予滯末位慷慨志四方左伏吳越
波右以笞中行立髮而虎視厲馬撫干將吾謀
適不用駕言歸故鄉

董逃行

吾欲上謁從蓬萊遨遊三山戲九垓闔闔跌蕩
開斑璘宮闕樓臺流光倒景徘徊但見織女弄
杼往來白榆纍纍支機十二枚河流逶迤但見
丈夫牽牛飲其隈問爾凡吏所爲客謝主人樂
哉教敕酌彼金罍織女長跪進酒牽牛陪桂樹
一何摧頽嫦娥端坐頷其頤白兔抱杵戛樹鰕

白雲樓詩卷之二
慕栽采取甘露一玉杯服此露壽以崔嵬服此
甘露顏色自好陛下長生不老坐享萬年有道
君臣歡如魚藻陛下長與天相保

塘上行

塘上雙鴛鴦芙蓉翳其陰不自行仁義何能知
妾心青蠅一墮耳琴瑟難爲音新人入宮時意
已無同衾君子在萬里顏色安可任念妾平生
時豈謂有中路新人斷流昔故人斷紈素新人
種蘭若故人種桂樹新人操陽春故人操白露
新人日以驩故人日以悲浮雲顧我庭北風動
我惟恩愛儻中還皓首以爲期

秋胡行四首

太行易驅仕路難爲工太行易驅仕路難爲工
諛佞喪志罄折不衷自負者忌自異者攻智力
相御莫知所終歌以言之仕路難爲工

其二

河清可須鍾期未易逢河清可須鍾期未易逢
國士見知非以先容雖有骨肉中懷莫從伯牙

絕絃其此不恭歌以言之鍾期未易逢

其三

閤妬相成周客一何踈閤妬相成周客一何踈
維彼燕石明月是居爰發深藏庶用見譽卽曰
瓦甕孰採其初歌以言之周客一何踈

其四

好惡何常顯者易爲名好惡何常顯者易爲名
一犬吠形百犬吠聲如草偃風夜蟲附明西子
雖姣不屬于盲歌以言之顯者易爲名

相逢行

相逢狹斜間狹斜不容車不知何年少夾轂間
君家君家誠易知甲第城南隅黃金爲君堂白
玉爲門樞坐客高堂上擊鍾吹笙竽將軍起行
酒何論馮子都兄弟兩三人出入長相須大子
侍中郎中子中大夫小子復何官稍遷執金吾
五日一來歸觀者羅長衢二弟爲鴈行長兄上
頭居東方千餘騎兄弟一何殊入門遊後園銀
牀纏轆轤梧桐十二樹一鳳將九雛梧桐自相

白屋樓詩卷之一
值鳳凰自相呼音聲何啾啾枝葉以扶疏大婦
董妖嬈中婦秦羅敷小婦邯鄲女顏色世所無
丈人且安坐爲樂良未徂

燕歌行二首

秋風蕭瑟吹我裳蟋蟀寥寥啼我牀出門四顧
非故鄉誰能客遊不斷腸短歌微吟激繁霜浮
雲千里一彷徨仰看明月流清光二十八宿羅
成行高臺飛閣遙相望河漢縱橫難爲梁胡馬
北鳴鴈南翔憂來不知從何方慊慊伏枕聊自
當涕從中零安得防豈不懷歸道阻長

其二

會日苦少別日多爲君盛年行蹉跎憂來援琴
聊短歌羽聲愴慨調不和悲風四起揚塵沙浮
雲摧頽互相加人生奄忽若春華誰能客遊常
無家中曲不覺淚滂沱攬衣出戶夜如何衆星
歷歷月低河鴻鴈嗷嗷鳴相過欲往從之畏尉
羅

善哉行二首

皇極詩卷之二十一
二十三
來日難期少合多離今日相樂不醉何爲寥寥
北堂哀竹苦絲短歌裂耳慷慨以悲白日云沒
秉燭繼之何晝何夜迫我盛時烹肥擊鮮斗酒
自隨安知王喬八公者誰促坐行觴交屬所私
百年如寄當復何疑慊慊惜費智者所嗤計會
有無將以奚遺

其二

巢父潔身天下爲汙四岳九官而無匹夫傳說
築巖維時商實爰立作相不俟終日尚避海濱
二老是麗旣載後車三聖所師仲未伯齊三逐
何鄙生有父母知有鮑子伯陽猶龍和光同塵
芻狗萬物聖而不仁丘明修辭古之國工縱橫
六經化裁與同干木偃息大魏以藩式則閉門
迫則踰垣莊周非人蓬累而行逍遙弄世乃稱
達生

西門行

出西門步踟躕相逢不作樂當復何須但作樂
勿復問有無安知家人生產當復溷吾徒君擊

白雲樓詩卷之二
二四
筑我和歌請爲燕市飲旁人當柰何人生欲知
已結交不在多豈無車馬客富貴相經過自非
名卿鮑叔牙雖有國士誰當知自非名卿鮑叔
牙雖有國士誰當知與君重自愛中道有別離
區區抱苦心可用不相疑

東門行二首

出東門顧且望欲何歸向洛陽座下兩走馬馬
上結束千金裝揮鞭酒家去調笑邯鄲倡作使
博徒數輩擲錢百萬少年場少年場朝用廣平
公故暮爲瑯琊大王男兒結交願得豪賢君復
自愛莫相忘男兒結交願得豪賢君復自愛莫
相忘恩讎分所當翩翩輕薄殊未央

其二

出東門不顧歸來入門愴欲悲舍中無檐石儲
還視身上衣參差慷慨出門去兒女牽裾啼他
家自願富貴賤妾與君但舖糜但舖糜上用穹
窿天故下用匍匐小兒時吏清廉法不可干一
旦緩急當告誰行吾望君歸嗟少年莫輕非

飲馬長城窟行

蕭蕭山上草悠悠山下道長城一何長遠望多
悲傷遠望不如歸游子日依依依依復纍纍涕
泣當爲誰高臺知天風鴻鴈知天霜欲媚復無
人欲去復彷徨浮雲西北來我馬顧之鳴願附
尺素書迢迢東南行浮雲不可託素書不可成
十年違室家安知卽平生

上留田行

人生一何相懸哲士常見未然愚夫不覩目前
所較以千年今尔勿怨蒼天非世淆亂誰貴聖
賢

孤兒行

孤兒生孤兒生命不如一杯土父母在時坐長
筵雷大鼓父母已去兄嫂令我報府今年護羗
明年擊胡虜六月來歸不得自言苦目汁稠濁
頭面生瘡大兄言視飯大嫂言漑釜上高堂不
見父與母下堂孤兒淚下如縷使我朝行薪暮
不得束芻頃筐敝漏緝之用茶鉤折無喙鎌鈍

無膚舍鎌拔叢棘棘斷行復甦刺傷我手復裂
我襦自念猶人誰使爲奴兄嫂如此爲不早去
下從地下當復何須高秋八九月墮嚴霜百草
凋枯牧豎絕糧驅羊下山逸入他群不辯所亡
願取我羔莫攘我羊羊復戀子葦之不將棄葦
挽角羊僵道傍拽羊回家兄與嫂睨三年不乳
毛尾空長作何校計亂曰羊鳴一何芊芊父母
地下將書寄與兄嫂爾愛其羊我愛其子

艷歌何嘗行

何嘗快獨平生但當被華縠獵長纓起家爲二
千石四十以專城兄弟縱橫要路車馬絡繹往
來公卿顯者行但當在高堂置酒快獨呼我所
歡五陵年少任俠知名主人稱壽以樂上賓攬
持綺麗雜坐彈箏觸抵安足諍歲月忽如流願
言重自愛吾夙昔與君共綢繆朝亦復苦愁暮
亦復苦愁辟彼東逝之川汎汎不繫之舟浮雲
轉薄心悠悠有似客遊難久留

艷歌行三首

皎皎月中兔羅網安得錯夫壻流宕子翩翩長
道路上堂事舅姑下堂力蠶作日出行采桑春
風動紈素不知何年少踟躕西北顧請君且莫
顧黃金徒自誤黃金道路傍誰當見國鄉

其二

童童河上柳朝榮暮來朽人生天地間何可日
無酒偃蹇誰當聞忼慨誰當有賴得心所歡嚼
我以大斗醉後唱高言掩耳使一走語卿且勿
走不知舌在口舌在難爲捫歎爾欲行恩

其三

南海一何長明珠一何光大珠抵明月小珠燭
中堂洛陽發中使明珠竊自傷沒海采是珠珠
淚以從橫持作木蘭櫃送至洛陽宮後宮莫不
歎問珠從何方誰能復市此隋侯與子孟嘗用玉
紹繚之黃金錯其中綴之用翡翠薰用蘇合香
本自南海珠今爲後宮璫

怨詩行

荆山何巖巖白壁何齒齒圭璋滿朝廷爾胡獨

在此千載抵塵沙一抱卽知己瓦礫生目中衆
人紛所指五都當一顧三獻不得理一則藏白
虹再則涸沂水玉石苟不分安用存吾趾昭王
遣使問忼慨不可止一剖屬白虹再剖折沂水
至今爲宗器天下稱其美願以陵陽侯還之樂
正子

白頭吟

青如雪中柏鑿如水中石自君有兩意事事非
疇昔疇昔共綢繆何嘗不膠漆今日不膠漆明
日卽參商東西大道上車馬遙相望新人此一
時故人彼一時難將故人意持與新人知非不
結同心人情中道還白頭百年期豈作斗酒間
雲漢何繩繩星宿河纍纍意氣一以失黃金不
可爲決如潰防川絕如蹶張弦有親相推與無
親私自憐

滿歌行

得意良獨難大帶如河高弁如山功名侮予心
不遑安遙望故鄉鬱鬱漫漫憂來自中不遜于

顏鄙士患得失達士多所宜智不鬪時我斯蕩
蕩天下熙熙俛拾仰取日競刀錐逝將掉臂棄
而違之東蹈滄海寧居九夷嶮巖可爲念爲偃
息乃在草萊蹲而踰垣荅焉鑿垤流俗落落豈
無友生門一以杜其可復開蟬游之裳視此末
榮寵辱者驚寓言憤世混迹躬耕貧賤肆志惰
傲相成徘徊千古載濁載清飲酒而已誰知其
它卽有三公相去幾何百年如寄孰少孰多胡
朝謀夕自貽蹉跎屹彼在位經營四方天道病
愚人道趨彊退而爲樂遼遼未央

子夜歌十首

涉江種芙蓉青荷幾時有但使蓮心生何慮不
成藕

茶葉老欲盡春蠶已就眠那能不作繭絲子自
纏綿

疆言共寢食十日九不俱桐花夜夜落梧子暗
中踈

出亦陰憶汝入亦陰憶汝石闕四面生悲來定

何許

蕩舟芙蓉池紅顏在池水儂與芙蓉花有何不相似

宿昔結同心絲髮與眉齊轉動如春風不離郎君懷

相憐須及時紅顏不難老郎自行由豫他人已相保

始欲識儂時白頭誓相憐一日三唐突持底解千年

歡心楊柳花春風爲顛倒到頭有感化不離浮萍草

願因斗酒會發歡桃花容蹉跎自不飲雙杯持勸儂

四時子夜歌八首

春鳥旣集渚春花復著林高臺不可望春色蕩儂心

綺窓媚初月羅帳褰春風歡復自顧慮崎嶇當柰儂

三伏天雨火郎但籠窓坐何處汲寒漿金餅井
中墮

婉伸華簾上不下歲隄鑰郎君已自前羅衣那
及著

庭含明月光蟋蟀入牀語獨自理寒衣秋風動
砧杵

熒熒斜月輝纍纍清露垂中宵不還卧徘徊獨
爲誰

郎從何處來重袍那如水酒無沙糖味爲他沃
寒爾

北風振枯林嚴霜殺百草歡不與時競獨向相
思老

前溪歌七首

逍遙東武亭下有獨桑路歡但宿儂家前溪不
可度

朝思出前溪暮思出前溪溪流亂漫下誰見倚
門啼

女蘿著長松蔓與長松長雖非歲寒姿願得被

風霜

黃葛生溪邊溪水東西流
枝枝自纏繞葉葉自
綢繆

春容故易老紅粉豈常鮮
郎歸定何日憔悴復
誰憐憐亦異當年

誰能采黃葛逍遙獨桑頭
黃葛斷還生春風不
可留爛熳使儂愁

葵藿自有心蘭蕙自有香
黃瓜一小草春風獨
不忘枝葉頓芬芳

團扇郎

白團扇明月入君懷
清光滿流眄霜雪散炎天
是儂歌始變合歡自一時
秋風歡不見

懊儂歌四首

五絲合歡被還得五絲縫
儂爲懊惱曲還持懊
惱儂

布帆百餘幅婀娜自生風
江水滿如月那得不
愁儂

夙昔幽閨性冶遊持自惑
旦夕三千里不復作

顏色

長江得春風使帆如使馬朝發牛渚磯暮宿白門下

白雪樓詩集卷之一

白雪樓詩集卷之二

樂府

神絃歌

宿阿曲

天門詖蕩蕩地戶鬱沈沈真官下雲中窈窕從蘇林

道君曲

中庭有樹其實詡詡道君出入先以風雨

聖郎曲

梧桐何翼翼鳳凰何將將左坐青溪姑右坐白石郎姑自翳瑤草郎自命椒漿

嬌女詩二首

朝遊青溪南暮遊青溪北嬌女年十五芙蓉比顏色終日奏絃歌小姑獨相識

徘徊白石江蹀躞赤山磯湘綺爲下裳紫綺爲上衣自繡雙鴛鴦十五五飛

白石郎曲二首

郎之徠何紛員車以清風馬以雲前有明姑後

道君

石子如彈丸纍纍江之渚有郎獨自居豔於十五女

青溪小姑曲

青溪湯湯白石爲梁小姑不嫁誰謂無郎

湖就姑曲

北遊赤山湖遙望中芙蓉裁衣贈大姑大姑舞白鳩仲姑淥水歌不共小姑愁

姑恩曲二首

白雲樓詩卷之二十八
明姑遵雲中歲筵六萌車前駕斑璘獸後從朱
鳥麟辟邪

諸姑亦道同獨有明姑尊桂酒黃金色持以報
姑恩

采蓮童曲二首

扣檝聲太苦聽我采蓮歌且將盛年容持比芙
蓉花

西湖采蓮舟上有愁思婦不摘芙蓉花何因出
素手

明下童曲二首

走馬上越橋遺却黃金鞭遙望射堂頭徘徊驕
不前

赭白千里姿斑駁八百餘乘不獨自去日與陸
郎俱

同生曲二首

盛時不再逢百歲一何促願以南山松兼作夜
遊燭

蟋蟀空局促人命安可爲但當飲美酒醉卽高

里歌

石城曲四首

可憐冶遊郎大馬高纏駿冶遊石城下聞名少年中

珂峩同心髻環插三子釵種種隨時變懊惱郎君懷

陽春二三月花與郎同色明知苦淹留盛年不可得

大艚十八榜長蒿如竹林張帆看風色知是下江陵

烏夜啼四首

石城諸少年歌舞日相新劉生安東平是郎得意人

長檣百幅帆常著千里風婀娜檣上佳飛逐不成雙

大帆曳雲還長檣柱天起非是不相留勢已無千里

烏生秦氏家不從秦氏栖夜夜將九子石城城

上啼

烏棲曲四首

芙蓉如繡柳如織
浣沙渡頭日將匿
高髻雙珠玳瑁簪
采蓮一曲傾江南

珠履錯落華鐙光
長袖宛宛屬羽觴
含笑一轉心相知
誰能不前復自持

黃金匱匣歲綈鑰
北斗闌干城上落
美人空牀夜不眠
雙雙玉筍下燈前

江南女兒蹋蹀歌
陽春窈窕出綺羅
黃金響頭紫騮馬
長安少年事遊冶

估客樂二首

估客從揚州大船載
何來有無郎寄書
但語莫徘徊

估客廣州人出入三江口
一船載三千娘
但日沽酒

莫愁樂四首

何來諸少年石城迎
莫愁莫愁石城西
門前江水流

白雲樓詩卷之二
五
莫愁善西曲曲曲變新聲含意嬌不發春風感
人情

莫愁幽閨性非但傾城色石城諸少年人人自
相識

何處尋莫愁石城諸少年可憐六萌車不送莫
愁還

襄陽樂六首

朝上大隄頭暮上大隄頭大隄諸女兒遊冶不
知愁

女蘿復可縫兔絲復可織唯有菖蒲花郎自不
曾識

大隄諸女兒歌舞日相逐郎今定憐誰夙昔誰
家宿

郎君但坐飲聽我白雪絃十三工西曲自不工
數錢

楊州大估客千金作一裝誰敢攀貴德牽壞儂
衣裳

詫儂斷信使還書亦不作微薄自憐儂歡豈自

白雲樓詩卷之二十八
微薄

三洲歌三首

何處估客豪揚州估客豪象牙持作檣鑰石持
作篙

聞歡揚州去大艚居上頭一載五百萬兩載千
萬餘

何來板橋灣持底喚酤酒兩叢蒲鍛鑲問儂取
不取

襄陽蹋銅蹄四首

白馬蹋銅蹄著地銅蹄鳴往來大隄上出入襄

陽城

大馬珂峩頭一步三春鉏借問馬上兒家在襄
陽不

白馬金絡頭一步三駮駝便是馬上郎何嘗不
婀娜

陽春二三月襄陽好徘徊淥酒漢江色與郎傳
一杯

青驄白馬

青驄躑躅八尺強黃金絡頭絲作韉
可憐白馬如人長著地徘徊自生光
青驄白馬冶遊郎勞君下都看三陽
可憐白馬逐青驄石橋柏梁五湖中
青驄白馬六萌車可憐今夜宿誰家
借問窈窕西曲娘白馬青驄去無常
借問窈窕西曲女石城莫愁憑寄語
齊唱可憐淚霑裳可憐三聲忘故鄉

夜度娘

儂來星始集儂去月將夕不是地上霜無人見
儂跡

長松標

落落南山松長標一何拙上棲萬里風下覆千
年雪

雙行纏

朱絲葳蕤繩是儂雙行纏繞腕結同心傍人那
得見

黃督

白雲樓詩卷之二十八
誰能見歌舞不自愛陽春少年雙淚落知是他鄉人

作蠶絲二首

拾蠶蠶如指出桑桑如掌一日三箔眠交儂那得往

大繭大如卵小繭垂其腹三秋上織作君看羅繡襦

碣石篇四首

碣石中怒滄海北倚元氣吐欲若偃若起長風相薄跳波千里懸流冒顛天漢外紀地軸高標轂轉白日與齊俱入與汨偕出

其二

涼秋九月塞外草衰白日蕭條北風苦悲邊聲四起胡馬成群嚼火如星列障如雲錢鏰旣置修我戈予暴糧坐甲唯敵是求

其三

委蛇者河千里一曲方之舟之匪芻伊粟太行詰屈西北是經車轍馬迹日不遑寧於鑠聖人

依其在京差次吏功郡國以成

其四

羽翼未就鴻鵠徘徊神龍失水螻蟻所裁珠不
暗投劍不倒持能弗用利勿處於疑高才者妬
匪但在人逃名避世以保其身

白紵舞歌四首

華鎗參差月舒光笛簫笙竽琴瑟張館娃窈窕
夜未央西施起舞屬吳王白紵颯沓零繁霜浮
雲綽約凝且翔將絕復引歌爲長迴身急入促
管藏揚跼摩趺匝洞房流風徘徊生繡裳答桴
應節蹈鼓行挺釵欲墮復不遑羅袖繚繞滿中
堂與志變化無恒常諸工競寫忽已忘遷延就
次進羽觴

其二

二八齊容羅象筵激楚之結獨秀先白紵蕭索
陽春前迴風飛雪相流連玉腕繚繞縈繁絃朱
脣宛轉含踟躕將行復却私自憐願君蹋歌及
盛年

其三

春日在冉花落英吳姬起舞媚前楹迴身頓趾
迅且輕纖塵暗暖不及生投袂一轉激楚成徘徊
復進爲新聲二八斂手停鳴箏中曲再變豪
竹驚如矜若怨意未明餘姿逸態猶縱橫妙技
絕世色傾城誰能顧眄感人情

其四

雙袖徐起若有思逸態一放橫難持淫衍詰屈
紛陸離流紈曳縠風委迤縈塵逗節利屣施紆
形赴曲影不知纖腰欲結行綴移衆變沓至生
繁姿躊躇中止人盡疑浮騰絕跡稱神奇遊精
蕩志君自治大樂萬歲遠如期

霹靂引

平成天地剖九州羅列五嶽江河流明堂受計
朝諸侯

人馬辟易氣縱橫悲歌忼慨志不平

天馬引

胡風雨駢駢而空山有人

躑躅兮悲鳴匪余室兮三行

蝶蝶行

蝶蝶翩翩戲遊來東園首宿中不知誰家涎涎
乳子燕銜之我入窈窕紫深宮紫深宮樽櫨間
高坐頗領待哺兩黃口睨之阿母得食還搖頭
鼓翼誰忍視蝶蝶輕薄亦可憐

悲歌

忼慷乃知故人徘徊乃知故鄉遠道多懷
又客自傷欲駕車無輓欲渡河無梁中夜顧形影泣

下霜衣裳

猛虎行

饑且從漂母食寒且從巢父棲石不爲周客笑
王不爲楚王啼管茅但塞路桃李自成蹊

枯魚過河泣

大魚啗小魚小魚啗鰕魚鰕魚啗沮洳
啗多沮洳涸請君肆中居

遠游篇

萬里未足步過謁歷遐荒一舉駕黃鵠再舉凌

雲翔澄氛隱北斗河漢集爲梁山川自紆曲天
地自圓方六鼇抃蓬萊十日彈扶桑潮水怒相
擊崑崙出中央流覽臨九州衆人何茫茫網緼
造元氣控揣成陰陽黔羸秉大鈞叢挫不可當
道逢王子喬揖我還故鄉

廣齊謳行

不勞歌楚豔請爲罷吳趨上客但安坐聽我奏
齊謳鷹揚表東土賜履維青州沃壤旣如膏絲
枲韜且柔魚鹽無儉歲海王自春秋百二敵疆

秦八九吞徒洲美哉一匡力天下咸宗周朝服
西濟河鞭葦使諸侯至今臨淄途誦義慕前修
枹鼓立軍門意氣縱橫浮舉袂成幃幙壤臂赴
仇讎先君務養士奕世恢鴻猷晏嬰以嘗路結
交魯孔丘其人聘列國終日無停輶及聞箭韶
音若與唐虞遊三月忘寢食栖栖此淹留季劄
本荆蠻華夏多夷猶泱泱歎大風觀采不能休
五伯桓稱首四豪文其尤擁篲爲賓師鐵籠存
主憂闊達有遺俗功利非所謀馳騁一何雄冠

劍常相求蠲辭萬家邑連謝千金酬卽論二布
衣豈復商賈流

前緩聲行

海中之山必有天上之河人知其一莫知其他
自非意氣輕黃金結交寧足多當復思東來之
兔必有西去之鳥不舍晝夜曾何愛於吾徒長
笛不呼短笛呼願君有酒卽飲無酒沽

結客少年場

翩翩白馬客遊冶長安城自矜有俠骨骯髒多
交情羞倚將軍勢詎借傍人名利劍一在掌四
海皆弟兄片言出肝膽杯酒如平生恩讎等白
日然諾千金輕君看少年場意氣誰縱橫罵坐
亦已麤探丸非老成淺之爲丈夫賢豪大所營
長兄推魯連仲兄推虞卿小弟處囊中甞勉荆
楚行但令稱國士不必取先鳴

東飛伯勞歌

東飛伯勞西飛鵲黃金倉琅蔚絺鑰誰家女兒
倚高樓含嬌吐怨彈箜篌明珠翠羽紅粉妝單

衫婀娜春風香女兒年幾十五餘開顏發豔玉
不如箜篌宛轉作新聲可憐一曲傾人城

樂府

群胡欵朝那請與漢家和紫貂黃羊白橐駝單
于闐氏乘六羸

河中之水歌

河中之水流迢迢洛陽女兒名嬌嬈嬌嬈十三
稱絕色十四懷春未可挑纜梳墮髻卽殊衆怕
逐時人鬪小腰學成織錦機猶澁解度新聲瑟
嬾調日出采桑城東路路傍桃李花飄姚左手
提籠絲作繫右手攀花折其條國鄉下裝不復
顧使君五馬徒相邀董家高樓一百尺歸來誰
見倚逍遙

白雪樓詩集卷之二

白雲樓

